

論

阿毗達磨大毗婆沙論

百四十六卷

住

C40  
4514  
147

了翁大德書大德及百  
家書置武州紫雲山  
秋微家塔院庫府中永  
為學者不敢許出院內  
當山三世錢牛機謹誌



阿毗達磨大毗婆沙論卷第一百四十六

五百大阿羅漢等造

唐三藏法師玄奘奉詔譯

根蘊第六中根納息第一之五

此二十二根幾因相應乃至廣說問何故作此論答  
欲止說因緣法非實有者意顯因緣法決定實有亦  
為遮止愚於相應執相應法非實者意令知相應是  
實有故而作斯論於此義中有說依一因作論謂相  
應因由此中說相應言故依彼意趣釋此文者此二  
十二根幾因相應答十四謂意五受信等五三無漏

根此是相應因自體根與相應因自體法相應故  
因相應幾因不相應答八謂七色命根問此八既非  
相應因體如何乃說因不相應答此八雖非相應因  
體而與相應因體不相應故說爲因不相應斯有何  
失幾因相應因不相應答卽前十四少分因相應少  
分因不相應少分因相應者謂自性於他性少分因  
不相應者謂自性於自性幾非因相應非因不相應  
答卽前十四少分非因相應少分非因不相應少分  
非因相應者謂自性於自性少分非因不相應者謂  
自性於他性有說此中依二因作論謂相應因俱有

240-4514  
因由此二因恒與彼法不相離故依彼意趣釋此文  
者此二十二根幾因相應答十四此是二因自體根  
與二因自體法相應故名因相應後三問答如前應  
知有說此中依三因作論謂相應因俱有因同類因  
由此三因通三性故有說此中依四因作論謂除同  
類徧行二因由此四因通三世故有說此中依五因  
作論謂除能作因以通三爲非親勝故有說此中依  
六因作論由此所說因言總故然相應法或作六因  
自體或作五因自體或作四因自體如大種蘊廣說  
依彼意趣釋此文者此二十二根幾因相應答十四

謂六因自體根與六因自體法相應五因自體根與五因自體法相應四因自體根與四因自體法相應故名因相應後三問答如前應知此二十二根幾緣有緣乃至廣說問何故作此論答欲止說所緣緣非實者意顯所緣緣是實有故而作斯論此二十二根幾緣有緣答十三少分謂意樂喜憂捨信等五三無漏根少分有所緣法爲此所緣故說此爲緣有緣句如明眼者見明眼人彼明眼人復有所見緣有緣句應知亦爾幾緣無緣答一十三少分一者謂苦根十三少分者如前說無所緣法爲此所緣故說此爲緣

無緣句如明眼者見生盲人彼生盲人更無所見緣無緣句當知亦爾幾緣有緣緣無緣答卽前十三少分有所緣無所緣法爲此所緣故說此爲緣有緣緣無緣句如明眼者見明眼人及生盲人彼明眼人復有所見彼生盲人更無所見緣有緣緣無緣句應知亦爾有餘謂此第三句義卽合初二更無異體此說不然與本論相違故如十門說緣有緣法是有爲緣隨眠隨增緣無緣法是一切隨眠隨增緣有緣緣無緣法是有爲緣隨眠隨增非緣有緣非緣無緣法是有漏緣隨眠隨增然有意識并相應法一剎那頃總

緣有緣及無緣法是故如前所說爲善幾非緣有緣  
非緣無緣答八謂七色命根由此不緣有所緣無所  
緣法故說此爲非緣有緣非緣無緣句如生盲人  
無所見此句亦爾此中略示二十二根緣有緣等四  
句差別十門所說十八界等亦應以此四句分別謂  
十八界中十色界爲第四句五識界爲第二句意界  
意識界爲前三句法界具爲四句十二處中十色處  
爲第四句意處爲前三句法處具爲四句五蘊中色  
蘊爲第四句受想識蘊爲前三句行蘊具爲四句如  
蘊取蘊亦爾六界中五色界爲第四句識界爲前三

句有色法可見法有對法無爲法滅諦爲第四句無  
色法無見法無對法有漏法無漏法有爲法過去未  
來現在法善不善無記法欲色無色界繫法學無學  
非學非無學法見修所斷不斷法苦集道諦靜慮無  
色皆具爲四句四無量中若取自性緣住同分心有  
情則爲第三句若緣不住同分心有情則爲第二句  
若并取相應隨轉緣住同分心有情則爲第三第四  
句若緣不住同分心有情則爲第二第四句初三解  
脫八勝處前八徧處若取自性爲第二句若并取相  
應隨轉則爲第二第四句滅受想解脫爲第四句餘

四解脫具爲四句後二徧處爲第三第四句滅智無  
相等持爲第二句他心智爲初句餘六智二等持爲  
前三句諸門煩惱中五識相應者爲第二句意識相  
應者爲前三句是中差別應思廣說諸根此法彼根  
異生耶設根異生彼根此法耶答諸根此法彼根非  
異生諸根異生彼根非此法問何謂此法何謂異生  
答此法謂聖者異生卽異生諸根此法彼根非異生  
者謂諸無漏根惟聖者成就非諸異生諸根異生彼  
根非此法者謂見所斷根惟異生成就非諸聖者有  
說此法者謂住苦法智忍異生者謂住世第一法諸

根此法彼根非異生者謂苦法智忍俱生諸根惟住  
苦法智忍者現起非住世第一法者諸根異生彼根  
非此法者謂世第一法俱生諸根惟住世第一法者  
現起非住苦法智忍者有說此法者謂住律儀異生  
者謂住不律儀諸根住律儀者所起彼根非住不律  
儀者所起諸根住不律儀者所起彼根非住律儀者  
所起有說此法者謂不缺根異生者謂缺根如扇搥  
半擇迦無形二形等諸根不缺根者所起彼根非缺  
根者所起諸根缺根者所起彼根非不缺根者所起  
有說此法者謂不斷善根異生者謂斷善根諸信等

根不斷善者所起彼根非斷善者所起諸邪見俱生  
根斷善者所起非不斷善者所起有說此法者謂住  
正定聚異生者謂住邪定聚諸住正定聚者所起根  
彼根非住邪定聚所起諸住邪定聚者所起根彼根  
非住正定聚者所起有說此法者謂住五淨居異生  
者謂住五異生處諸住五淨居者所起根彼根非住  
五異生處者所起諸住五異生處者所起根彼根非  
住五淨居者所起色蘊攝幾根答七謂眼等七色根  
受蘊攝幾根答五三少分五者謂五受根三少分者  
謂三無漏根少分以三無漏根九法爲體此惟攝三

故言少分想蘊攝幾根答無想非根故行蘊攝幾根  
答六三少分六者謂命信等五根三少分者謂二無  
漏根少分以三無漏根九法爲體此惟攝五故言少  
分識蘊攝幾根答一三少分一者謂意根三少分者  
謂三無漏根少分以三無漏根九法爲體此惟攝一  
故言少分善根幾界幾處幾蘊攝答八界二處三蘊  
八界者謂七心界法界二處者謂意處法處三蘊者  
謂受蘊行蘊識蘊惟攝善根有幾界幾處幾蘊答無  
不善根幾界幾處幾蘊攝答八界二處二蘊八界者  
謂七心界法界二處者謂意處法處二蘊者謂受蘊

識蘊惟攝不善根有幾界幾處幾蘊答無有覆無記  
根幾界幾處幾蘊攝答六界二處二蘊六界者謂眼  
識界耳識界身識界意識界法界二處者謂意  
處法處二蘊者謂受蘊識蘊惟攝有覆無記根有幾  
界幾處幾蘊答無無覆無記根幾界幾處幾蘊攝答  
十三界七處四蘊十三界者謂內十二界及法界七  
處者謂內六處及法處四蘊者謂除想蘊惟攝無覆  
無記根有幾界幾處幾蘊答五界五處非蘊五界者  
謂眼等五色根界五處者謂眼等五色根處非蘊者  
謂無一蘊惟無覆無記故根法幾界幾處幾蘊攝答

十三界七處四蘊十三界者謂內十二界及法界七  
處者謂內六處及法處四蘊者謂除想蘊惟攝根法  
有幾界幾處幾蘊答十二界六處二蘊十二界者謂  
內十二界六處者謂內六處二蘊者謂受蘊識蘊非  
根法幾界幾處幾蘊攝答六界六處三蘊六界者謂  
外六界六處者謂外六處三蘊者謂色蘊想蘊行蘊  
惟攝非根法有幾界幾處幾蘊答五界五處一蘊五  
界者謂外五色界五處者謂外五色處一蘊者謂想  
蘊根非根法幾界幾處幾蘊攝答十八界十二處五  
蘊惟攝根非根法有幾界幾處幾蘊答一界一處二



蘊一界者謂法界一處者謂法處二蘊者謂色蘊行蘊頗根爲緣生根耶乃至廣說有說此中有一標一釋一廣釋如說頗根爲緣生根耶等是標頗眼根爲緣生根耶等是釋眼根與眼根爲幾緣等是廣釋有說此中有三標三釋三廣釋如說頗根爲緣生根耶是標答生是釋生非根耶等是廣釋頗眼根爲緣生根耶是標答生是釋生耳根乃至生具知根耶等是廣釋眼根與眼根爲幾緣是標答因增上是釋乃至與具知根爲所緣增上等是廣釋有說此中有三標三釋如說頗根爲緣生根耶等是標答生等是

釋頗眼根爲緣生根耶等是標答生等是釋眼根與眼根爲幾緣等是標答因增上等是釋頗根爲緣生根耶答生云何生答如眼爲所依生意三受信等五根或眼爲所緣生意四受信等五三無漏根頗根爲緣生非根耶答生云何生答如眼爲所依生思想觸作意等或眼爲所緣觸作意等或眼爲所緣生思想觸作意及惡作睡眠等頗根爲緣生根非根耶答生云何生答如眼爲所依生意三受信等五根思想觸作意等或眼爲所緣生意四受信等五三無漏根思想觸作意等及惡作睡眠等頗非根爲緣生非根耶答生云何生答如色

爲所緣生想思觸作意等及惡作睡眠等頗非根爲  
緣生根耶答生云何生答如色爲所緣生意五受信  
等五三無漏根頗非根爲緣生根非根耶答生云何  
生答如色爲所緣生意五受信等五三無漏根想思  
觸作意等及惡作睡眠等頗根非根爲緣生根非根  
耶答生云何生答如眼爲所依色爲所緣生意三受  
信等五根想思觸作意等頗根非根爲緣生根耶答  
生云何生答如眼爲所依色爲所緣生意三受信等  
五根頗根非根爲緣生非根耶答生云何生答如眼  
爲所依色爲所緣生想思觸作意等有餘於此作第

二三文頗根爲緣惟生根耶答不生由此根亦生非  
根故頗根爲緣惟生非根耶答不生由此根亦生根  
故頗根爲緣惟生根非根耶答生云何生答如眼爲  
所依生意三受信等五根想思觸作意等頗非根爲  
緣惟生非根耶答不生由此非根亦生根故頗非根  
爲緣惟生根耶答不生由此非根亦生非根故頗非  
根爲緣惟生根非根耶答生云何生答如色爲所緣  
生意五受信等五三無漏根想思觸作意等及惡作  
睡眠等頗根非根爲緣惟生根非根耶答生云何生  
答如眼爲所依色爲所緣生意三受信等五根想思

觸作意等頗根非根爲緣惟生根耶答不生由此根  
非根亦生非根故頗根非根爲緣惟生非根耶答不  
生由此根非根亦生根故有餘於此作第三文頗惟  
根爲緣生根耶答不生由此根亦緣非根生故頗惟  
頗惟根爲緣生根非根耶答不生由此根非根亦緣  
非根生故頗惟非根爲緣生非根耶答不生由此非  
根亦緣根生故頗惟非根爲緣生根耶答不生由此  
由此根非根亦緣根生故頗惟根非根爲緣生根非

根耶答生廣說如上頗惟根非根爲緣生根耶答生  
廣說如上頗惟根非根爲緣生非根耶答生廣說如  
上頗眼根爲緣生根耶答生云何生答謂不礙生  
及惟無障頗眼根爲緣生根乃至具知根耶答生  
云何生答如眼爲所依生意三受信等五根或眼爲  
所緣生意四受信等五三無漏根或諛眼根墮諸惡  
趣受諸色根命根意根苦根異熟或信眼根生諸善  
趣受諸色根命根意根喜根捨根異熟是名眼  
根爲緣生根耳根乃至具知根如眼根耳鼻舌身女男  
命根亦爾然有差別謂女男根非苦根信等五根所

依命根非一切根所依頗意根爲緣生意根耶生眼  
根乃至具知根耶答生云何生答如意根爲所依生  
意五受信等五三無漏根或意根爲所緣生意四受  
信等五三無漏根或誑意根墮諸惡趣受諸色根命  
相意根苦根異熟或信意根生諸善趣受諸色根命  
根意根樂根喜根捨根異熟又意根有善不善善者  
於善趣受諸色根命根意根樂根喜根捨根異熟不  
善者於惡趣受諸色根命根意根苦根異熟如意根  
五受信等五根亦爾然有差別謂一切非所依苦  
根於自非所緣信等五根非不善頗未知當知根爲

緣生未知當知根耶生眼根乃至具知根耶答生云  
何生答如未知當知根爲所依生未知當知已知意  
三受信等五根或未知當知根爲所緣生意四受信  
等五三無漏根或誑未知當知根墮諸惡趣受諸色  
根命根意根苦根異熟或信未知當知根生諸善趣  
受諸色根命根意根樂根喜根捨根異熟如未知當  
知根已知根具知根亦爾然有差別謂已知根爲所  
依生已知根具知根意根三受信等五根具知根爲  
所依生具知根意根三受信等五根問眼根與眼根  
爲幾緣與耳根乃至具知根爲幾緣乃至具知根與

具知根爲幾緣與眼根乃至已知根爲幾緣答眼根與眼根爲因增上因者一因謂同類因增上者謂不礙生及惟無障後增上義皆同此說與餘色根命根苦根爲一增上與餘根爲所緣增上餘根者謂意四受信等五三無漏根如眼根耳鼻舌根亦爾身根與身根女根男根爲因增上因者一因謂同類因與餘色根命根苦根爲一增上與餘根爲所緣增上餘根者如前說女根與女根身根爲因增上因者一因謂同類因與餘色根命根苦根爲一增上與餘根爲所緣增上餘根者如前說如女根男根亦爾命根與命

根爲因增上因者一因謂同類因與七色根占根爲一增上與餘根爲所緣增上餘根者如前說意根與意根爲因等無間所緣增上因者三因謂同類徧行異熟因等無間者謂意根等無間意根現在前所緣者謂意根與意根爲所緣諸等無間及所緣義皆准此說與七色根命根爲因增上因者一因謂異熟因與苦根爲因等無間增上非所緣因者五因謂相應俱有同類徧行異熟因等無間者謂意根等無間苦根現在前非所緣者苦根綠色意根非色故與餘根爲因等無間所緣增上餘根者謂樂喜捨憂信等五

三無漏根此依具緣等故總說然因有異謂與樂喜捨根爲五因卽相應等五與憂根爲四因除異熟因與信等五根三無漏根爲三因卽相應俱有同類因如意根樂根喜根捨根信等五根亦爾當知此依緣數等故總相而說然以因緣有差別故恐文隔遠今具分別謂樂根與樂根爲因等無間所緣增上因者三因卽同類徧行異熟因與七色命根爲因增上因者一因卽異熟因與意根爲因等無間所緣增上因者五因卽相應等五與苦根爲因等無間增上非所緣因者二因卽同類異熟因非所緣者苦根緣色樂

根非色故與喜根爲因等無間所緣增上因者二因卽同類異熟因與憂根爲因等無間所緣增上因者一因卽同類因與捨根爲因等無間所緣增上因者三因卽同類徧行異熟因與信等五根三無漏根爲因等無間所緣增上因者三因卽相應俱有同類因喜根與喜根爲因等無間所緣增上因者三因卽同類徧行異熟因與七色命根爲因增上因者一因卽異熟因與意根爲因等無間所緣增上因者五因卽相應等五與樂根爲因等無間所緣增上因者三因卽同類徧行異熟因與苦根爲因等無間增上非



論  
六  
有同類因如信根精進等四根亦爾苦根與苦根爲  
因等無間增上非所緣因者二因卽同類異熟因非  
所緣者苦根緣色苦根非色故與七色根命根爲因  
增上因者一因卽異熟因與二無漏根爲所緣增上  
所緣者謂與苦忍苦智集忍集智品爲所緣與餘根  
爲因等無間所緣增上餘根者謂意樂喜捨憂信等  
五根此亦具緣等故總說然因有異謂與意根爲四  
因除徧行因與樂根喜根捨根爲三因卽同類異熟  
因與憂根爲一因卽同類因與信等五根爲三因卽  
相應俱有同類因憂根與憂根爲因等無間所緣增

上因者二因卽同類徧行因與七色根命根爲因增  
上因者一因卽異熟因與苦根爲因等無間增上非  
所緣因者三因卽同類徧行異熟因與三無漏根爲  
所緣增上所緣者謂與苦忍苦智集忍集智品爲所  
緣與餘根爲因等無間所緣增上餘根者謂意樂喜  
捨信等五根此亦具緣等故總說然因有異謂與意  
根爲五因卽相應等五與樂喜捨根爲三因卽同類  
徧行異熟因與信等五根爲三因卽相應俱有同類  
因未知當知根與未知當知根爲因等無間所緣增  
上因者三因卽相應俱有同類因所緣者謂與道忍



道智品爲所緣與具知根爲因所緣增上非等無間  
因者一因卽同類因所緣者謂與道忍道智品爲所  
緣非等無間者未知當知根等無間具知根不現前  
故與七色根命根苦根爲一增上與憂根爲所緣增  
上與餘根爲因等無間所緣增上餘根者謂意樂喜  
捨信等五已知根此亦具緣等故總說然因有異謂  
與意等九根爲三因卽相應俱有同類因與已知根  
爲一因卽同類因已知根與已知根爲因等無間所  
緣增上因者二因卽相應俱有同類因與七色根命  
根苦根爲一增上與憂根未知當知根爲所緣增上

與餘根爲因等無間所緣增上餘根者謂意樂喜捨  
信等五具知根此亦具緣等故總說然因有異謂與  
意等九根爲三因卽相應俱有同類因與具知根爲  
一因卽同類因具知根與具知根爲因等無間所緣  
增上因者三因卽相應俱有同類因與七色根命根  
苦根爲一增上與憂根未知當知根已知根爲所緣  
增上與餘根爲因等無間所緣增上餘根者謂意樂  
喜捨信等五根因者三因卽相應俱有同類因等無  
間者謂具知根等無間意等九根現在前所緣者謂  
具知根與意等九根爲所緣增上者謂不礙生及惟

無障

阿毗達磨大毗婆沙論卷第一百四十六 說一切有部發智

音釋

扇搆 梵語也此云生謂生來男根不滿也搆五皆切 半擇迦 梵語也此云變謂今生變

也作

浮渡居士吳用先施資刻

阿毗達磨大毗婆沙論卷第一百四十六 計

字六千五百該銀三兩二錢五分

銀山釋海亮對上元陶邗本書金陵朱家相刻 萬曆丙辰歲夏四月徑山化城識

阿毗達磨大毗婆沙論卷第一百四十七

五百大阿羅漢等造

唐三藏法師玄奘奉詔譯

根蘊第六中有納息第二之一

欲有相續最初得幾業所生根如是等章及解章義既領會已當廣分別然有聲目多義如前廣說此中說續眾同分有情數五蘊各有相續有五亦如前說此中依二相續作論謂中有相續生有相續欲有相續最初得幾業所生根答卵生胎生濕生得二謂身根命根問最初羯邏藍位亦得餘色根不若得者如

何於少時頃便得爾所根耶又此中何故不說毗柰耶說復云何通如說於母腹中二根初得謂身與命若損害彼乃至廣說若不得者何故經說天眼觀知是男是女答有言亦得問如何於少時頃便得爾所根耶答爾時雖無諸色根相而已具得彼根種子如清鹽水酥蜜沙糖酒等和合貯在一器若以草端露取一滴於中具有鹽等諸味羯邏藍位應知亦爾一切色根種子皆具問若爾何故此中不說答應說而不說者當知此義有餘有說此中說皆得者餘得不定是以不說如生盲等不得眼等問毗柰耶說復云

何通答彼說能持諸餘根者謂身根能持諸餘色根命根能持餘非色根是故偏說有說此位不得餘色根問天眼云何觀知男女答羯邏藍時雖無男女根而有男女相由觀彼相得知男女所以者何非彼已有男女二根可說觀故有餘師說依經故知經說若胎是男依母右脇向背蹲坐若胎是女依母左脇向腹蹲坐得天眼者觀此差別依經而記或有說者觀中有知謂天眼觀中有後位若是男子入於母胎知此羯邏藍是男非女若女入者復知此位是女非男如是說者羯邏藍位未得餘色根鉢邏奢佉位中方

乃得故化生得六或七或八無形者六謂眼耳鼻舌  
身命根一形者七謂前六及男女根隨一二形者八  
謂前六及男女根問餘無色根爾時亦得謂意五受  
信等五根此中何故不說答此中應說而不說者當  
知有餘有說爾時一切得者此中則說餘無色根雖  
有得者而非一切是故不說謂上地終生下地時雖  
得彼根若自地終還生自地彼皆不得是故不說有  
此中但問初得業所生者初受生位餘無色根雖  
待者而非業生故此不說後位所得雖業所生而  
得故亦不說色有相續最初得幾業所生根答

六謂眼耳鼻舌身命根無色有相續最初得幾業所  
生根答一謂命根頗思惟欲界繫法徧知欲界耶乃  
至廣說此中思惟者是取所緣義徧知者是究竟斷  
義此文顯示緣彼彼界法離彼彼界染或不能離頗  
思惟欲界繫法徧知欲界耶答徧知此通異生及聖  
者通無間道及解脫道若世俗道離欲染時九無間  
道緣欲界法離欲界染若無漏道苦集法智離欲染  
時九無間道九解脫道緣欲界法離欲界染頗思惟  
欲界繫法徧知色界耶答不徧知頗思惟欲界繫法  
徧知無色界耶答不徧知問何故俱不徧知答欲界

論  
卷一百四十七  
七  
七

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

論

大毘婆沙卷一百四十七

三

雜七

是不定界非修地非離染地色無色界是定界是修地是離染地非緣不定界非修非離染地法能離定界修地離染地染有說欲界是麤界色無色界是細界非緣麤界法能離細界染有說欲界是下界色界是中界無色界是妙界非緣下界法能離中妙界染有說欲界是劣界色無色界是勝界非緣劣界法能離勝界染由此等義故不徧知頗思惟色界繫法徧知色界耶答徧知此通異生及聖者通無間道及解脫道若世俗道離色染時九無間道緣色界法離色界染若無漏道苦集類智離色染時九無間道九解

脫道緣色界法離色界染頗思惟色界繫法徧知欲界耶答徧知此通異生及聖者惟解脫道非無間道謂世俗道離欲染時九解脫道緣色界法離欲界染頗思惟色界繫法徧知無色界耶答不徧知問何故不徧知答色界是麤界無色界是細界非緣麤界法能離細界染有說色界是中界無色界是妙界非緣中界法能離妙界染有說色界是劣界無色界是勝界非緣劣界法能離勝界染由此等義故不徧知頗思惟無色界繫法徧知無色界耶答徧知此惟聖者非異生通無間道及解脫道謂無漏道苦集類智離

論

大毘婆沙卷一百四十七

四

雜七

無色染時九無間道九解脫道緣無色界法離無色界染頗思惟無色界繫法徧知欲界耶答不徧知問何故不徧知答以極遠故非觀極遠界法能離極遠界染頗思惟無色界繫法徧知色界耶答徧知此通異生及聖者惟解脫道非無間道謂世俗道離色染時九解脫道緣無色界法離色界染幾根徧知欲界答世俗道七無漏道八世俗道七者謂意捨信等五根無漏道八者謂前七及已知根幾根徧知色界答世俗道七無漏道十世俗道七者謂意捨信等五根無漏道十者謂前七及喜樂已知根幾根徧知無色

界答十一謂前十及具知根已知根爲無間道具知根爲解脫道當知此依最後位說問離欲界染時最後解脫道容有根本初靜慮現前彼以捨根爲無間道喜根爲解脫道何故不依最後位說世俗道或八無漏道或九耶答此文應作是說世俗道七或八無漏道八或九而不說者當知有餘有說此中說決定者謂離非想非非想處染時定以具知根爲最後解脫道離欲界染時非定以喜根爲最後解脫道有於爾時不能卽入根本地故然於爾時多依近分故惟說捨徧知欲界時徧知幾根答四謂女男苦憂根雖

於爾時徧知十九而依永斷無餘無分無片無影無  
隨縛斷故作是說或此中說上界不行不可得者故  
惟說四徧知色界時徧知幾根答五謂眼耳鼻舌身  
根雖於爾時徧知十三而依永斷無餘無分無片無  
影無隨縛斷故作是說或此中說上界不行不可得  
者故惟說五徧知無色界時徧知幾根答八謂意命  
捨信等五根由此諸根離非想非非想處染時皆永  
斷故幾根得預流果答九謂意捨信等五未知當知  
已知根未知當知根爲無間道已知根爲解脫道幾  
根得一來果答若倍離欲染入正性離生者九如預

流說若從預流果得一來果者世俗道七無漏道入  
七者謂意捨信等五根入者謂前七及已知根幾根  
得不還果答若已離欲染入正性離生者九謂意根  
樂喜捨根隨一依地別故信等五未知當知已知根  
未知當知根爲無間道已知根爲解脫道若從一來  
果得不還果者世俗道七無漏道八七及八如一來  
說此依多分若入根本或八或九幾根得阿羅漢果  
答十一謂意樂喜捨信等五已知具知根已知根爲  
無間道具知根爲解脫道問此說十一爲以用故爲  
以有故若以用者無有一時三受並用如何說十一

若以有者得不還果亦有三受何故不說答此以用  
故不以有故問無有一時三受並有云何說十一耶  
答以一相續作用而說故無有過謂容有一補特伽  
羅先以樂根得阿羅漢退已用喜復退用捨或初退  
用捨後退用喜如先以樂如是先喜先捨隨應亦爾  
證不還果無如是事若以此根先得彼果退已還用  
此根而得此根者卽捨根以喜樂得無退義故得預  
流果徧知幾根答無爾時未有一根究竟斷故得一  
來果徧知幾根答無爾時亦未有根究竟斷故得不  
還果徧知幾根答若已離欲染入正性離生者無義

如前說若從一來果得不還果者四謂女男苦憂根  
得阿羅漢果徧知幾根答八謂命意捨信等五根諸  
根得預流果此根得彼果已當言成就當言不成就  
答解脫道攝者當言成就無間道攝者當言不成就  
道類智俱生品諸根是解脫道攝此當言成就已得  
故道類智忍俱生品諸根是無間道攝此當言不成  
就已捨故諸根得一來果此根得彼果已當言成就  
當言不成就答解脫道攝者當言成就無間道攝者  
當言不成就道類智或第六解脫道俱生品諸根是  
解脫道攝此當言成就已得故道類智忍或第六無



間道俱生品諸根是無間道攝此當言不成就已捨  
故諸根得不還果此根得彼果已當言成就當言不  
成就答解脫道攝者當言成就無間道攝者當言不  
成就道類智或第九解脫道俱生品諸根是解脫道  
攝此當言成就已得故道類智忍或第九無間道俱  
生品諸根是無間道攝此當言不成就已捨故問以  
無漏道得一來不還果時可言無間道攝者不成就  
若以世俗道得二果時無間道不捨云何言不成就  
答此二果文應作是說解脫道攝者當言成就無間  
道攝者當言成就或不成就而不作是說者當知此

中惟依不共勝道而說有言此說現前成就以世俗  
道得二果已無間道諸根定不現前故諸根得阿羅  
漢果此根得彼果已當言成就當言不成就答解脫  
道攝者當言成就無間道攝者當言不成就最初盡  
智俱生品諸根是解脫道攝此當言成就已得故金  
剛喻定俱生品諸根是無間道攝此當言不成就已  
捨故諸根得預流果此根斷何界結答色無色界或  
無斷色無色界者謂道類智忍俱生品諸根或無者  
謂道類智俱生品諸根以解脫道非斷對治故此根  
何果攝答預流果或無預流果攝者謂道類智俱生

品諸根或無者謂道類智忍俱生品諸根諸根得一  
來果此根斷何界結答欲界或色無色界或無斷欲  
界或無者謂從預流果得一來果時第六無間道俱  
生品諸根斷欲界結第六解脫道俱生品諸根不斷  
結斷色無色界或無者謂倍離欲染入正性離生得  
一來果時道類智忍俱生品諸根斷色無色界結道  
類智俱生品諸根不斷結此根何果攝答一來果或  
無一來果攝者謂第六解脫道及道類智忍俱生品諸  
根或無者謂第六無間道及道類智忍俱生品諸根  
諸根得不還果此根斷何界結答欲界或色無色界

或無斷欲界或無者謂從一來果得不還果時第九  
無間道俱生品諸根斷欲界結第九解脫道俱生品  
諸根不斷結斷色無色界或無者謂已離欲染入正  
性離生得不還果時道類智忍俱生品諸根斷色無  
色界結道類智俱生品諸根不斷結此根何果攝答  
不還果或無不還果攝者謂第九解脫道及道類智  
俱生品諸根或無者謂第九無間道及道類智忍俱  
生品諸根諸根得阿羅漢果此根斷何界結答無色  
界或無斷無色界者謂金剛喻定俱生品諸根或無  
者謂初盡智俱生品諸根此根何果攝答阿羅漢果

或無阿羅漢果攝者謂初盡智俱生品諸根或無者  
謂金剛喻定俱生品諸根得預流果時所捨諸根此  
根斷何界結答欲界或色無色界或無得預流果時  
見道所攝已得諸根名爲所捨此根或斷欲界謂四  
法智忍俱生品諸根或斷色無色界謂四類智忍俱  
生品諸根或無謂七智俱生品諸根此根何果攝答  
無以無預流下果攝此諸根故得一來果時所捨諸  
根此根斷何界結答欲界或色無色界或無若倍離  
欲染入正性離生得一來果時見道所攝已得諸根  
名爲所捨此根或斷欲界謂四法智忍俱生品諸根

或斷色無色界謂四類智忍俱生品諸根或無謂七  
智俱生品諸根若從預流果得一來果時預流果及  
此勝果道所攝諸根名爲所捨此根或斷欲界謂六  
無間道所攝諸根或無謂預流果及此勝果道中諸  
加行道解脫道勝進道所攝諸根此根何果攝答預  
流果或無預流果攝者謂道類智俱生品所捨諸根  
或無者謂此勝果道及見道所攝所捨諸根得不還  
果時所捨諸根此根斷何界結答欲界或色無色界  
或無若已離欲染入正性離生得不還果時見道所  
攝已得諸根名爲所捨此根或斷色無色界謂四類

智忍俱生品諸根或無謂四法智忍及七智俱生品  
諸根若從一來果得不還果時一來果及此勝果道  
所攝諸根各爲所捨此根或斷欲界謂三無間道所  
攝諸根或無謂一來果及此勝果道中諸加行道解  
脫道勝進道所攝諸根此根何果攝答一來果或無  
一來果攝者謂道類智俱生品及第六解脫道所攝  
所捨諸根或無者謂此勝果道及見道所攝所捨諸  
根得阿羅漢果時所捨諸根此根斷何界結答色界  
或無色界或無得阿羅漢果時不還果及此勝果道  
所攝諸根各爲所捨此根或斷色界謂離四靜慮染

各有九無間道所攝諸根或斷無色界謂離四無色  
染各有九無間道所攝諸根或無謂不還果及此勝  
果道中諸加行道解脫道勝進道所攝諸根此根何  
果攝答不還果或無不還果攝者謂道類智俱生品  
及第九解脫道所攝所捨諸根或無者謂此勝果道  
所攝所捨諸根得預流果時所得諸根此根斷何界  
結答無謂得預流果時所得諸根皆是解脫道類所  
攝惟無間道攝能斷煩惱故此根何果攝答預流果  
或無預流果攝者謂道類智俱生品所得諸根或無  
者謂爾時所得世俗諸根問爾時所得諸根皆是無

漏預流果攝復有何世俗根是今所得而言或無答此文但應說預流果不應言或無而說或無者欲顯爾時所得命等八根是無始時來所未曾得以及初得勝果依故得一來果時所得諸根此根斷何界結答無義如前說此根何果攝答一來果或無一來果攝者謂道類智俱生品及第六解脫道所攝所得諸根或無者謂爾時所得世俗諸根得不還果時所得諸根此根斷何界結答無義如前說此根何果攝答不還果或無不還果攝者謂道類智俱生品及第九解脫道所攝所得諸根或無者謂爾時所得世俗諸

根得阿羅漢果時所得諸根此根斷何界結答無義如前說此根何果攝答阿羅漢果或無阿羅漢果攝者謂初盡智俱生品所得諸根或無者謂爾時所得世俗諸根諸預流者所成就根此根斷何界結答欲界或無斷欲界者謂六無間道所攝諸根或無者謂預流果及此勝果道中諸加行道解脫道勝進道所攝等諸根此根何果攝答預流果或無預流果攝者謂道類智俱生品所成就諸根或無者謂預流者所成就勝果道所攝諸根及所成就餘善有漏染汗無覆無記諸根諸一來者所成就根此根斷何界結答

欲界或無斷欲界者謂三無間道所攝諸根或無者謂一來果及此勝果道中諸加行道解脫道勝進道所攝等諸根此根何果攝答一來果或無一來果攝者謂道類智俱生品及第六解脫道所攝所成就諸根或無者謂一來者所成就勝果道所攝諸根及所成就餘善有漏染汙無覆無記諸根諸不還者所成就根此根斷何界結答色界或無色界或無斷色界者謂離四靜慮染各有九無間道所攝諸根斷無色界者謂離四無色染各有九無間道所攝諸根或無者謂不還果及此勝果道中諸加行道解脫道勝進

道所攝等諸根此根何果攝答不還果或無不還果攝者謂道類智忍俱生品及第九解脫道所攝所成就諸根或無者謂不還者所成就勝果道所攝諸根及所成就餘善有漏染汙無覆無記諸根諸阿羅漢所成就根此根斷何界結答無以阿羅漢諸結已盡無可斷故此根何果攝答阿羅漢果或無阿羅漢果攝者謂阿羅漢所成就無漏諸根或無者謂阿羅漢所成就善有漏無覆無記諸根諸預流者斷結諸根此根斷何界結答欲界謂欲界修所斷前六品結此根何果攝答無謂無間道能斷諸結沙門果所攝諸

根必是解脫道故諸一來者斷結諸根此根斷何界  
結答欲界謂欲界修所斷後三品結此根何果攝答  
無所以如前諸不還者斷結諸根此根斷何界結答  
色界或無色界色界者謂四靜慮修所斷各九品結  
無色界者謂四無色修所斷各九品結此根何果攝  
答無所以如前諸阿羅漢諸結已盡無斷結根故不  
問答諸預流果所攝諸根此根斷何界結答無以沙  
門果所攝諸根是解脫道惟無間道能斷結故諸一  
來果不還果阿羅漢果所攝諸根此根斷何界結答  
無所以如前阿羅漢果又無結可斷故諸苦智是於

苦無漏智耶乃至廣說問何故作此論答欲令疑者  
得決定故謂苦智集智行相無雜所緣有雜滅智道  
智行相無雜所緣無雜或有生疑如苦集智行相無  
雜所緣有雜滅道智亦如是耶如滅道智行相無雜  
所緣無雜苦集智亦如是耶爲今此疑得決定故顯  
苦集智所緣有雜滅道智所緣無雜故作斯論問何  
故苦智集智行相無雜所緣有雜答離苦無集離集  
無苦故謂一一有漏事果義名苦因義名集卽於一  
一有漏事中若智作苦等四行相轉名苦智若智作  
集等四行相轉名集智故苦集智行相無雜所緣有

雜滅智道智行相所緣二俱無雜滅等道等行相異  
故有爲無爲所緣別故諸苦智是於苦無漏智耶設  
於苦無漏智是苦智耶答諸苦智是於苦無漏智由  
無漏智於苦事中作非常苦空非我四行相轉名苦  
智故有於苦無漏智非苦智謂於苦智集智由無漏  
智於苦事中作因集生緣四行相轉名集智故前已  
說離苦無集故集智所緣亦名爲苦諸集智是於集  
無漏智耶設於集無漏智是集智耶答諸集智是於  
集無漏智由無漏智於集事中作因集生緣四行相  
轉名集智故有於集無漏智非集智謂於集智苦智

由無漏智於集事中作非常苦空非我四行相轉名  
苦智故前已說離集無苦故苦智所緣亦名爲集諸  
滅智是於滅無漏智耶答如是設於滅無漏智是滅  
智耶答如是諸道智是於道無漏智耶答如是設於  
道無漏智是道智耶答如是由前已說滅智道智行  
相所緣俱無雜故若無漏智緣擇滅作滅靜妙離四  
行相轉名滅智若無漏智緣聖道作道如行出四行  
相轉名道智故

阿毗達磨大毗婆沙論卷第一百四十七

說一切有部發智



淨渡居士吳用先施貴刻  
阿毗達磨大毗婆沙論卷第一百四十七 計  
字六千零二十二箇該銀二兩零一分  
新安釋如淨對上元陶郡本書溧水陶學恭刻  
萬曆丙辰歲夏四月徑山化城寺識

阿毗達磨大毗婆沙論卷第一百四十八

五百大阿羅漢等造

唐三藏法師玄奘奉詔譯

根蘊第六中有納息第二之二

諸根無漏緣欲界繫此根法智相應耶設根無漏法  
智相應此根緣欲界繫耶答應作四句有根無漏緣  
欲界繫此根非法智相應謂苦法智忍及相應根苦  
法智集法智忍及相應根集法智此中苦法智忍是  
無漏慧根此根緣欲界繫非法智相應以忍與智不  
相應故及相應根者謂苦法智忍相應八無漏根此

根亦緣欲界繫非法智相應忍相應故苦法智亦是  
無漏慧根此根亦緣欲界繫非法智相應自體與自  
體不相應故謂三緣故自體不與自體相應一無二  
自性俱生故二前後剎那不並故三一切法不觀自  
性與他爲緣故集法智忍及相應根集法智亦如是  
有根無漏法智相應此根不緣欲界繫謂滅道法智  
相應根此是滅道法智相應入無漏根此根不緣欲  
界繫緣不繫法故有根無漏緣欲界繫此根亦法智  
相應謂苦集法智相應根此是苦集法智相應入無  
漏根此根緣欲界繫緣欲界苦集故有根無漏不緣

欲界繫此根亦非法智相應謂苦類智忍苦類智及  
二相應根集類智忍集類智及二相應根滅法智忍  
及相應根滅法智滅類智忍滅類智及二相應根道  
法智忍及相應根道法智道類智忍道類智及二相  
應根此中苦類智忍苦類智俱是無漏慧根此根不  
緣欲界繫緣色無色界繫故亦非法智相應忍智與  
智不相應故及二相應根者謂苦類智忍苦類智相  
應入無漏根此根不緣欲界繫緣色無色界繫故亦  
非法智相應與苦類智忍苦類智相應故集類智忍  
集類智及二相應根亦如是滅法智忍是無漏慧根

此根不緣欲界繫緣不繫法故亦非法智相應忍與智不相應故及相應根者謂滅法智忍相應入無漏根此根不緣欲界繫緣不繫法故亦非法智相應忍相應故滅法智亦是無漏慧根此根不緣欲界繫緣不繫法故亦非法智相應自體與自體不相應故道法智忍及相應根道法智亦如是滅類智忍滅類智俱是無漏慧根此根不緣欲界繫緣不繫法故亦非法智相應忍智與智不相應故及二相應根者謂滅類智忍滅類智相應入無漏根此根不緣欲界繫緣不繫法故亦非法智相應與滅類智忍滅類智相應

故道類智忍道類智及二相應根亦如是諸根無漏緣色無色界繫此根類智相應耶設根無漏類智相應此根緣色無色界繫耶答應作四句有根無漏緣色無色界繫此根非類智相應謂苦類智忍及相應根苦類智集類智忍及相應根集類智此中苦類智忍是無漏慧根此根緣色無色界繫非類智相應忍與智不相應故及相應根者謂苦類智忍相應入無漏根此根亦緣色無色界繫非類智相應忍相應故苦類智亦是無漏慧根此根亦緣色無色界繫非類智相應自體與自體不相應故集類智忍及相應根

集類智亦如有根無漏類智相應此根不緣色無色界繫謂滅道類智相應根此是滅道類智相應入無漏根此根不緣色無色界繫緣不繫法故有根無漏緣色無色界繫此根亦類智相應謂苦集類智相應根此是苦集類智相應入無漏根此根緣色無色界繫緣色無色界苦集故有根無漏不緣色無色界繫此根亦非類智相應謂苦法智忍苦法智及二相應根集法智忍集法智及二相應根滅法智忍滅法智及二相應根減類智忍及相應根減類智道法智忍道法智及二相應根道類智忍及相應根道類智

此中苦法智忍苦法智俱是無漏慧根此根不緣色無色界繫緣欲界繫故亦非類智相應忍智與智不相應故及二相應根者謂苦法智忍苦法智相應入無漏根此根不緣色無色界繫緣欲界繫故亦非類智相應與忍法智相應故集法智忍集法智及二相應根亦如是滅法智忍滅法智俱是無漏慧根此根不緣色無色界繫緣不繫法故亦非類智相應忍智與智不相應故及二相應根者謂滅法智忍滅法智相應入無漏根此根不緣色無色界繫緣不繫法故亦非類智相應與忍法智相應故道法智忍道法智

及二相應根亦如是滅類智忍是無漏慧根此根不  
緣色無色界繫緣不繫法故亦非類智相應忍與智  
不相應故及相應根者謂滅類智忍相應八無漏根  
此根不緣色無色界繫緣不繫法故亦非類智相應  
忍相應故滅類智亦是無漏慧根此根不緣色無色  
界繫緣不繫法故亦非類智相應自體與自體不相  
應故道類智忍及相應根道類智亦如是法智當言  
法智耶乃至廣說問何故此中但依法類二智作論  
答彼作論者意欲爾故隨彼意欲而造論但不違法  
性便不應責彼意欲依二智作論即便作之謂法智

類智如前智蘊隨論者意依二智作論謂他心智宿  
住隨念智如後定蘊隨論者意亦依二智作論謂盡  
智無生智如此蘊前隨論者意依四智作論謂苦智  
集智滅智道智如前結蘊隨論者意依八智作論謂  
法智類智他心智世俗智苦集滅道智如所知納息  
隨論者意依十智作論謂前八智及盡無生智譬如  
善巧陶師以濕泥團置於輪上隨意埏埴成種種器  
於工巧法而不相違如是善作論者以聞思慧行所  
知境照了除癡然後隨欲造種種論於諸法性亦不  
相違有說惟法類智互不相攝亦俱徧緣不相攝境

謂有漏無漏有爲無爲四聖諦法有說以法類智攝一切無漏智盡是彼根本有說法類二智作分齊緣謂法智緣下類智緣上由此等緣故但依此二智作論法智當言法智耶當言類智他心智世俗智苦智集智滅智道智智耶答當言法智或他心智苦智集智滅智道智當言法智者謂知欲界諸行諸行因諸行滅諸行對治道或他心智者謂知欲界諸行對治道他心心所法或苦智者謂知欲界諸行非常相苦相空相非我相或集智者謂知欲界諸行因因相集相生相緣相或滅智者謂知欲界諸行滅滅相靜相妙

相離相或道智者謂知欲界諸行對治道道相如相行相出相顯自性已當顯地法智當言有尋有伺無尋惟伺無尋無伺耶答當言三種謂在未至初靜慮各有尋有伺在靜慮中間名無尋惟伺在上三靜慮名無尋無伺顯地已當顯相應法智當言樂根相應喜根相應捨根相應耶答當言二種謂在第三靜慮樂根相應在初二靜慮喜根相應在未至靜慮中間第四靜慮捨根相應顯相應已當顯行相法智當言空無願無相相應耶答當言三種謂二行相空相應十行相無願相應四行相無相相應顯行相已當顯

所緣法智當言緣欲界繫綠色界繫緣無色界繫緣  
不繫耶答當言緣欲界繫或不繫緣欲界繫者謂苦  
集法智緣不繫者謂滅道法智類智當言類智耶當  
言法智他心智世俗智苦智集智滅智道智耶答當  
言類智或他心智苦智集智滅智道智當言類智者  
謂知色無色界諸行諸行因諸行滅諸行對治道或  
他心智者謂知色無色界諸行無漏對治道他心心  
所法或苦智者謂知色無色界諸行非常等四種相  
或集智者謂知色無色界諸行因等四種相或滅  
智者謂知色無色界諸行滅滅等四種相或道智者

謂知色無色界諸行對治道等四種相顯自性已  
當顯地類智當言有尋有伺無尋惟伺無尋無伺耶  
答當言三種謂在未至初靜慮名有尋有伺在靜慮  
中間名無尋惟伺在上三靜慮下三無色名無尋無  
伺顯地已當顯相應類智當言樂根相應喜根相應  
捨根相應耶答當言三種謂在第三靜慮樂根相應  
在初二靜慮喜根相應在未至靜慮中間第四靜慮  
下三無色捨根相應顯相應已當顯行相類智當言  
空無願無相相應耶答當言三種謂二行相空相應  
十行相無願相應四行相無相相應已顯行相當顯

所緣類智當言緣欲界繫緣色界繫緣無色界繫緣  
不繫耶答當言緣色無色界繫或不繫緣色無色界  
繫者謂苦集類智緣不繫者謂滅道類智時心解脫  
當言學根得無學根得乃至廣說問何故作此論答  
欲解釋契經義故如佛告阿難陀言苾芻不應樂處  
憤鬧若樂是者於時愛心解脫或於不時不動心解  
脫身作證能具足住無有是處若有苾芻不樂憤鬧  
而樂寂靜於時愛心解脫或不時不動心解脫身作  
證能具足住斯有是處彼經雖說二種解脫而不分  
別此二自性亦未曾顯由何根得前智蘊中雖已顯

示解脫自性而未顯得今欲顯得故作斯論有說欲  
止他所說故謂或有執時心解脫有學有所作所作  
未辦故不動心解脫無學無所作所作已辦故爲遮  
彼執顯二解脫俱是無學所作已辦或復有執時心  
解脫是有漏不動心解脫是無漏欲止彼意顯二解  
脫俱是無漏或復有執時心解脫是有爲不動心解  
脫是無爲爲止彼執顯二解脫俱是有爲由此等緣  
故作斯論諸法中惟二法是解脫自性謂有爲法中  
惟有勝解無爲法中惟有擇滅彼勝解者是心所大  
地法恒與心相應彼擇滅者是離繫是勝義善常住



涅槃勝解有二謂不染染謂邪勝解卽貪等煩惱  
隨煩惱相應不染謂正勝解卽信等諸善法相應此  
正勝解復有二種謂有漏無漏有漏者謂不淨觀持  
息念無量勝處徧處等相應無漏復二謂學無學學  
者謂七聖身中無漏勝解無學者謂阿羅漢身中無  
漏勝解無學勝解復有二種謂時心解脫不時心解  
脫時心解脫者謂五種阿羅漢身中無漏勝解不時  
心解脫者謂不動法阿羅漢身中無漏勝解此二亦  
名心解脫慧解脫離貪故名心解脫離無明故名慧  
解脫問若此勝解離貪故名心解脫離無明故名慧

解脫者集異門等所說當云何通如說云何離貪故  
心得解脫答無貪善根對治貪故云何離無名故慧  
得解脫答無癡善根對治癡故由此說故二解脫體  
卽是善根非是勝解答彼文應作是說云何離貪故  
心得解脫答無貪善根相應心勝解印可卽此名爲  
時心解脫云何離無明故慧得解脫答無癡善根相  
應心勝解印可卽此名爲不動心解脫而不作是說  
者有何意耶答此就依處以顯勝解謂依無貪故心  
解脫貪依無癡故心解脫癡然心解脫體是勝解時  
心解脫當言學根得無學根得學無學根得耶答當

言學無學根得學根得者謂無間道俱生根無學根  
得者謂解脫道俱生根又學根得者謂向道俱生根  
無學根得者謂果道俱生根又學根得者謂金剛喻  
定俱生品根無學根得者謂盡智俱生品根又學根  
得者謂已知根無學根得者謂具知根又學根得者  
謂修道俱生根無學根得者謂無學道俱生根修地  
無學地亦爾不動心解脫當言學根得無學根得學  
無學根得耶答若本得不動當言學無學根得若時  
解脫阿羅漢得不動當言無學根得學無學根得者  
廣說如前無學根得者彼無間解脫道俱無學攝故

一切結盡當言學根得無學根得學無學根得耶答  
當言學無學根得廣說如前問此文何故不如不動  
心解脫說答此文亦應作如是說若初證一切結盡  
當言學無學根得若時解脫阿羅漢得不動證一切  
結盡當言無學根得而不作是說者有何意耶答解  
脫有二謂有爲無爲二種心解脫是有爲一切結盡  
是無爲有爲解脫有下中上初所得異後所得異故  
差別說無爲解脫無下中上後得同初故無別說以  
無間道證預流果此道當言法智相應類智他心智  
世俗智苦智集智滅智道智相應耶當言有尋有伺

無尋惟伺無尋無伺耶當言樂根喜根捨根相應耶  
當言空無願無相相應耶當言緣欲界繫色界繫無  
色界繫不繫耶答以無間道證預流果此道當言忍  
相應有尋有伺捨根相應無願相應緣不繫忍相應  
者道類智忍俱故有尋有伺者惟依未至地故捨根  
相應者未至地惟有捨受故無願相應者道無願俱  
故緣不繫者類智品爲所緣故以無間道證一來果  
此道當言法智相應類智他心智世俗智苦智集智  
滅智道智相應耶當言有尋有伺無尋惟伺無尋無  
伺耶當言樂根喜根捨根相應耶當言空無願無相

相應耶當言緣欲界繫色界繫無色界繫不繫耶答  
若倍離欲染入正性離生者如證預流果說若從預  
流果以世俗道證一來果此道當言世俗智相應有  
尋有伺捨根相應緣欲界繫世俗智相應者謂麤等  
三行相隨一轉故不與空等相應者彼惟無漏故緣  
欲界繫者欲界五蘊爲所緣故餘如前說若從預流  
果以無漏道證一來果此道當言法智相應或苦智  
或集智或滅智或道智相應有尋有伺捨根相應或  
空或無願或無相相應或緣欲界繫或緣不繫法智  
相應者謂四法智隨一相應或苦智相應者卽苦法

智相應乃至或道智相應者卽道法智相應或空相應者謂二行相相應或無願相應者謂十行相相應或無相相應者謂四行相相應或緣欲界繫者謂苦集法智或緣不繫者謂滅道法智餘如前說以無間道證不還果此道當言法智相應類智他心智世俗智苦智集智滅智道智相應耶當言有尋有伺無尋惟伺無尋無伺耶當言樂根喜根捨根相應耶當言空無願無相相應耶當言緣欲界繫色界繫無色界繫不繫耶答若已離欲染入正性離生此道當言忍相應或有尋有伺或無尋惟伺或無尋無伺或樂根

相應或喜根相應或捨根相應無願相應緣不繫或有尋有伺者謂依未至初靜慮或無尋惟伺者謂依靜慮中間或無尋無伺者謂依上三靜慮或樂根相應者謂依第三靜慮或喜根相應者謂依初二靜慮或捨根相應者謂依未至靜慮中間第四靜慮餘如前說若從一來果以世俗道證不還果者如以世俗道證一來果說若從一來果以無漏道證不還果者如以無漏道證一來果說以無間道證阿羅漢果此道當言法智相應類智他心智世俗智苦智集智滅智道智相應耶當言有尋有伺無尋惟伺無尋無伺

論  
大毗婆沙論卷一百四十八  
三十三  
耶當言樂根喜根捨根相應耶當言空無願無相相應耶當言緣欲界繫色界繫無色界繫不繫耶答此道當言或法智相應或類智或苦智或集智或滅智或道智相應或有尋有伺或無尋惟伺或無尋無伺或樂根或喜根或捨根相應或空或無願或無相相應或緣無色界繫或緣不繫或法智相應者謂滅道法智隨一相應或類智相應者謂四類智隨一相應或苦智集智相應者卽苦集類智相應或滅智道智相應者卽滅道法類智相應或有尋有伺者謂依未至初靜慮或無尋惟伺者謂依靜慮中間或無尋無

伺者謂依上三靜慮下三無色或樂根相應者謂依第三靜慮或喜根相應者謂依初二靜慮或捨根相應者謂依未至靜慮中間第四靜慮下三無色或空相應者謂二行相應或無願相應者謂十行相應應或無相相應者謂四行相應或緣無色界繫者謂苦集類智緣有頂苦集故或緣不繫者謂滅道法類智緣三界滅及能對治道故幾根永斷滅起得預流果答無根永斷七根滅起一滅不起一起不滅得預流果七根滅起者七謂意捨信等五根滅謂此七無間道攝起謂此七解脫道攝又滅謂向道攝起謂

果道攝又滅謂道類智忍品攝起謂道類智品攝又滅謂未知當知根俱生起謂已知根俱生又滅謂見道攝起謂修道攝見地修地亦爾一滅不起者謂未知當知根一起不滅者謂已知根幾根永斷滅起得一來果答若倍離欲染入正性離生者如證預流果說若從預流果以世俗道證一來果無根永斷七根滅起得一來果七根滅起者七如前說滅謂此七無間道攝起謂此七解脫道攝又滅謂向道攝起謂果道攝若從預流果以無漏道證一來果無根永斷八根滅起得一來果八根滅起者八謂前七加已知根

滅起義如前說幾根永斷滅起得不還果答若已離欲染入正性離生無根永斷七根滅起一滅不起一起不滅得不還果七根滅起者七謂意根樂喜捨根隨一信等五根餘如得預流果中說若從一來果以世俗道證不還果不入靜慮四根永斷七根滅起得不還果四根永斷者謂女男苦憂根七根滅起者七謂意捨信等五根滅起義如從預流得一來說若入靜慮四根永斷六根滅起一滅不起一起不滅得不還果四根永斷者如前說六根滅起者六謂意根信等五根滅起義如前說一滅不起者謂捨根一起不

滅者謂喜根若從一來果以無漏道證不還果不入  
靜慮四根永斷入根滅起得不還果入根者謂意捨  
信等五已知根餘如前說若入靜慮四根永斷七根  
滅起一滅不起一起不滅得不還果七根者卽前謂  
意信等五及已知根餘如以世俗道證不還果中說  
問離欲界染第九解脫道誰卽入靜慮誰不入耶答  
所依力强者入所依力劣者不入有說所依力劣者  
入爲長養所依故所依力强者不入不爲長養所依  
故有說欣多者入厭多者不入有說喜樂多者入憂  
苦多者不入有說以滅道智離欲染者入以苦集智

離欲染者不入有說以無相道無願離欲染者入以  
空苦集無願離欲染者不入有說欲界法離欲染  
者入厭三界法離欲染者不入有說爲求靜慮而離  
染者入爲求解脫而離染者不入有說利根者入鈍  
根者不入如利根鈍根因力緣力內分力外分力內  
正思惟力外聞正法力應知亦爾幾根永斷滅起得  
阿羅漢果答若依未至證阿羅漢果一根永斷七根  
永斷滅起一滅不起一起不滅得阿羅漢果一根永  
斷者謂命根七根永斷滅起者七謂意捨信等五根  
永斷謂有漏攝滅謂無間道攝起謂解脫道攝又永

斷謂世俗攝滅謂向道攝起謂果道攝又永斷謂非  
學非無學攝滅謂學攝起謂無學攝又永斷謂有頂  
攝滅謂金剛喻定俱生品攝起謂盡智俱生品攝又  
永斷謂修所斷攝滅謂已知根攝起謂具知根攝又  
永斷謂無色界繫攝滅謂修道地攝起謂無學道地  
攝一滅不起者謂已知根一起不滅者謂具知根如  
依未至依靜慮中間第四靜慮三無色定亦爾若依  
初靜慮證阿羅漢果二根永斷六根永斷滅起一根  
滅起一滅不起一起不滅得阿羅漢果二根永斷者  
謂命捨根六根永斷滅起者六謂意信等五根永斷

滅起義如前說一根滅起者一謂喜根滅起義如前  
說一滅不起者謂已知根一起不滅者謂具知根如  
依初靜慮依第二第三靜慮亦爾然差別者依第三  
靜慮應說樂根起滅  
阿毗達磨大毗婆沙論卷第一百四十八

說一切有部發智

音釋

埤埴

埤式連切和土也埴埴時力切黏土也

憤鬧

憤古對切心亂也鬧奴教切不靜也

浮渡

居士吳用先施貫刻

阿毗達磨大毗婆沙論卷第一百四十八  
計字六千三百八十九箇該銀三兩一錢九分  
銀山釋海亮對上元陶邦本書陶孟禎刻  
萬曆丙辰歲孟夏徑山化城識



阿毗達磨大毗婆沙論卷第一百四十九

五百大阿羅漢等造

唐三藏法師玄奘奉詔譯

根蘊第六中觸納息第三之一

有十六觸謂有對觸增語觸明觸無明觸非明非無  
明觸愛觸恚觸順樂受觸順苦受觸順不苦不樂受  
觸眼觸耳觸鼻觸舌觸身觸意觸云何有對觸乃至  
云何意觸如是等章及解章義既領會已當廣分別  
問何故作此論答爲止他宗顯已義故謂譬喻者說  
觸非實有所以者何契經說故如契經說眼及色爲

緣生眼識三和合觸等離眼色眼識外實觸觸體不可得爲遮彼意顯觸體是實有若觸體非實有者便違經說如契經說觸爲緣受若無觸者但應說六處緣受或說無緣不應言觸緣受又若觸體非實有者應說緣起惟十一支契經不應說有十二又若觸體非實有者但應說有九大地法然說有十故觸實有問若觸實有云何會釋彼所引經答彼經意說三法和合爲緣生觸非於無體得有生義此若不生云何緣受譬如月月愛珠及器和合爲緣生水非無水生得有水用又如日日愛珠株薪和合爲緣生火非無

火生得有火用如是根境及識和合爲緣生觸非無觸生得有觸用觸用謂能爲緣生受是故欲止他說顯觸實有而作斯論問何緣根蘊分別觸耶答彼作論者意欲爾故乃至廣說復次此不應問所以者何前已說一一蘊中具一切義故復次一切法觸所集起根由觸生故分別觸復次心心所以觸爲命觸所引觸所轉觸力故現在前此中有根故分別觸復次先安立諸觸後辯根相應根以觸爲章故應先分別觸問諸聖教中或說一觸如心中立觸心所十大地法中立觸大地法或說二觸謂有漏無漏縛觸繫

不繫或說三觸謂下中上善不善無記或說四觸謂  
三界繫及不繫或說五觸謂三界繫及學無學或說  
六觸謂眼觸乃至意觸或說七觸謂見苦所斷乃至  
修所斷并學無學或說八觸謂見苦所斷乃至修所  
斷及見道修道無學道或說九觸謂下下乃至上上  
或說十觸謂欲界繫乃至非想非非想處繫及不繫  
若約相續剎那分別則有無量何故此中於一等廣  
說十六於無量略說十六耶答由六因緣不略不廣  
說十六觸謂所緣故障治故自性故違順故相應故  
所依故由所緣故立有對觸增語觸由障治故立明

觸無明觸由自性故立非明非無明觸由違順故立  
愛觸恚觸由相應故立順樂受觸順苦受觸順不苦  
不樂受觸由所依故立眼觸乃至意觸云何有對觸  
答五識身相應觸問何故此觸各有對答以有對法  
爲所緣故問增語觸亦以有對法爲所緣何故此觸  
獨各有對答此觸以初故得名增語觸更以餘緣建  
立有說此觸但以有對法爲所緣增語觸亦緣餘法  
有說此觸所依所緣皆是有對增語觸所緣雖或有  
對所依不爾故別立名云何增語觸答意識身相應  
觸問何故此觸名增語答由此觸自性語增故名增

語問云何此觸自性語增答有對觸惟欲色界繫此觸通三界繫及不繫又有對觸惟欲界初靜慮地可得此觸一切地可得又有對觸惟有漏此觸通有漏無漏由此等故自性語增有說此觸所緣語增故名增語問云何此觸所緣語增答有對觸惟以有色法爲所緣此觸通緣有色無色又有對觸但以有對法爲所緣此觸通緣有漏無漏又有對觸但以有爲法爲所緣此觸通緣有爲無爲由此等故所緣語增有說增語者謂名此觸緣名故名增語雖亦緣義而非

不共故隨不共立名依別立通名如苦集智等云何明觸答無漏觸卽三無漏根相應觸云何無名觸答染汗觸卽一切煩惱隨煩惱相應觸云何非明非無明觸答不染有漏觸此中問答各有二遮謂非明者遮明觸非無明者遮無明觸不染者遮染汗觸有漏者遮無漏觸由此遮故此體惟攝一切有漏善無覆無記觸云何愛觸答貪相應觸卽三界五部所斷六識身俱貪相應觸云何恚觸答瞋相應觸卽五所斷六識身俱瞋相應觸云何順樂受觸答樂受相應觸卽樂喜根相應觸云何順苦受觸答苦受相應觸卽

苦憂根相應觸云何順不苦不樂受觸答不苦不樂受相應觸卽捨根相應觸云何眼觸答眼識身相應觸乃至云何意觸答意識身相應觸謂依眼等根生故名眼等觸顯自性已當辯相攝然有一觸攝諸觸盡謂心所中一觸自性此中二觸攝諸觸盡謂有對觸增語觸復有三觸攝諸觸盡謂明無明非明非無明觸及順樂順苦順不苦不樂受觸復有六觸攝諸觸盡謂眼觸乃至意觸問有對觸攝幾觸乃至意觸攝幾觸耶答有對觸攝六觸全七觸劣分六全者謂有對觸眼耳鼻舌身觸七少分者謂無明非明非無

明觸愛恚觸順樂順苦順不苦不樂受觸問云何此攝彼七少分答彼七通與六識相應此惟攝五識相應故言少分增語觸攝三觸全七觸少分三全者謂增語觸明觸意觸七少分者如前說問云何此攝彼七少分答彼七通與六識相應此惟攝意識相應故言少分明觸攝明觸全四觸少分謂增語觸順樂順不苦不樂受觸意觸問云何此攝彼四少分答彼四通有漏無漏此惟攝無漏故言少分無明觸攝三觸全十一觸少分三全者謂無明觸愛恚觸十一少分者謂有對增語觸順樂順苦順不苦不樂受觸眼觸

乃至意觸問云何此攝彼十一少分答彼十一通染  
不染此惟攝染故言少分非明非無明觸攝非明非  
無明觸全十一觸少分謂如前說問云何此攝彼十  
一少分答卽前十一通染不染不染有通有漏無漏  
此惟攝不染有漏故言少分愛觸攝愛觸全十一觸  
少分謂有對增語觸無明觸順樂順不苦不樂受觸  
眼觸乃至意觸問云何此攝彼十一少分答彼十一  
通與貪俱生不俱生此惟攝俱生故言少分恚觸攝  
恚觸全十一觸少分謂有對增語觸無明觸順苦順  
不苦不樂受觸眼觸乃至意觸問云何此攝彼十一

少分答彼十一通與瞋俱生不俱生此惟攝俱生故  
言少分順樂受觸攝順樂受觸全十二觸少分謂有  
對增語觸明無明非明非無明觸愛觸眼觸乃至意  
觸問云何此攝彼十二少分答彼十二通與樂受俱  
生不俱生此惟攝俱生故言少分順苦受觸攝順苦  
受觸全十一觸少分謂有對增語觸無明非明非無  
明觸恚觸眼觸乃至意觸問云何此攝彼十一少分  
答彼十一通與苦受俱生不俱生此惟攝俱生故言  
少分順不苦不樂受觸攝順不苦不樂受觸全十三  
觸少分謂有對增語觸明無明非明非無明觸愛恚

觸眼觸乃至意觸問云何此攝彼十三少分答彼十三通與捨受俱生不俱生此惟攝俱生故言少分眼觸攝眼觸全入觸少分謂有對觸無明非明非無明觸愛恚觸順樂順苦順不苦不樂受觸問云何此攝彼八少分答彼八通與眼識相應不相應此惟攝相應故言少分如眼觸耳鼻舌身觸亦爾是中差別者各攝自觸全自識相應八少分意觸攝三觸全七觸少分如增語觸說問何故名攝攝是何義答自體於自體已有當有現有可得故名爲攝有說自體於自體不異不外不差別不相離是有不空故名爲攝自

說自體於自體非不曾有非不今有非不當有故名爲攝諸法不捨自性義是攝義非如以指捻衣以手取食彼可捨故有說拘礙義是攝義諸法拘礙無如自體於自體者有對觸幾根相應乃至意觸幾根相應耶答有對觸一根全八根少分相應一全者謂苦根八少分者謂意樂捨信等五根問云何此與彼八少分相應答彼八根通六識俱生品此惟與五識俱生品相應故言少分增語觸五根全八根少分相應五全者謂喜憂三無漏根八少分者如前說問云何此與彼八少分相應答彼八根通六識俱生品此惟

與意識俱生品相應故言少分明觸三根全九根少分相應三全者謂三無漏根九少分者謂意樂喜捨信等五根問云何此與彼九少分相應答彼九根通有漏無漏此惟與無漏相應故言少分無明觸六根少分相應謂意五受根問云何此與彼六少分相應答彼六根通染不染此惟與染相應故言少分非明非無明觸十一根少分相應謂意五受信等五根問云何此與彼十一少分相應答彼十一根中前六通染不染後五通有漏無漏此惟與不染有漏相應故言少分愛觸四根少分相應謂意樂喜捨根問云何

此與彼四少分相應答彼四根通貪俱生不俱生此惟與俱生者相應故言少分恚觸四根少分相應謂意苦憂捨根問云何此與彼四少分相應答彼四根通瞋俱生不俱生此惟與俱生者相應故言少分順樂受觸二根全九根少分相應二全者謂樂喜根九少分者謂意信等五三無漏根問云何此與彼九少分相應答彼九根中前六通樂受俱生不俱生此惟與俱生者相應後三通以九根爲性此惟與六根相應故言少分順苦受觸二根全六根少分相應二全者謂苦憂根六少分者謂意信等五根問云何此與



論  
彼六少分相應答彼六根通苦受俱生不俱生此惟  
與俱生者相應故言少分願不苦不樂受觸一根全  
九根少分相應一全者謂捨根九少分者謂意信等  
五三無漏根問云何此與彼九少分相應答彼九根  
中前六通不苦不樂受俱生不俱生此惟與俱生者  
相應後三通以九根爲性此惟與六根相應故言少  
分眼觸九根少分相應謂意樂苦捨信等五根問云  
何此與彼九少分相應答彼九根通眼識俱生品不  
俱生品此惟與俱生品相應故言少分如眼觸耳鼻  
舌身觸亦爾是中差別者各與自識俱生品根相應

意觸五根全八根少分相應如增語觸說相應義廣  
說如上諸根因有對觸此根有對觸相應耶設根有  
對觸相應此根因有對觸耶答諸根有對觸相應此  
根因有對觸謂此根以有對觸爲四因卽相應俱有  
同類異熟因有根因有對觸此根非有對觸相應謂  
根因有對觸餘觸相應及異熟生無所緣餘觸相應  
者謂增語觸相應此根以有對觸爲二因卽同類異  
熟因及異熟生無所緣者謂命等八根此根以有對  
觸爲一因卽異熟因諸根因增語觸此根增語觸相  
應耶設根增語觸相應此根因增語觸耶答諸根增

語觸相應此根因增語觸謂此根以增語觸爲五因  
卽相應俱有同類徧行異熟因有根因增語觸此根  
非增語觸相應謂根因增語觸餘觸相應及異熟生  
無所緣餘觸相應者謂有對觸相應此根以增語觸  
爲三因卽同類徧行異熟因及異熟生無所緣者謂  
命等八根此根以增語觸爲一因卽異熟因諸根因  
明觸此根明觸相應耶答如是設根明觸相應此根  
因明觸耶答如是此中因者謂三因卽相應俱有同  
類因諸根因無明觸此根無明觸相應耶設根無明  
觸相應此根因無明觸耶答諸根無明觸相應此根

因無明觸謂此根以無明觸爲四因卽相應俱有同  
類徧行因有根因無明觸此根非無明觸相應謂根  
因無明觸餘觸相應及異熟生無所緣餘觸相應者  
謂非明非無明觸相應此根以無明觸爲一因卽異  
熟因及異熟生無所緣者謂命等八根此根以無明  
觸爲一因卽異熟因諸根因非明非無明觸此根非  
明非無明觸相應耶設根非明非無明觸相應此根  
因非明非無明觸耶答諸根非明非無明觸相應此  
根因非明非無明觸謂此根以非明非無明觸爲四  
因卽相應俱有同類異熟因有根因非明非無明觸

此根非明非無明觸相應謂根因非明非無明觸異  
熟生無所緣謂命等八根以非明非無明觸爲一因  
卽異熟因諸根因愛觸此根愛觸相應耶設根愛觸  
相應此根因愛觸耶答諸根愛觸相應此根因愛觸  
謂此根以愛觸爲三因卽相應俱有同類因有根因  
愛觸此根非愛觸相應謂根因愛觸餘觸相應及異  
熟生無所緣餘觸相應者謂餘無明觸非明非無明  
觸相應此根以愛觸爲二因卽同類異熟因謂餘無  
明觸相應根以愛觸爲同類因非明非無明觸相應  
根以愛觸爲異熟因及異熟生無所緣者謂命等八

根以愛觸爲一因卽異熟因如說愛觸恚觸亦爾差  
別者說自名諸根因順樂受觸此相順樂受觸相應  
耶設根順樂受觸相應此根因順樂受觸耶答諸根  
順樂受觸相應此根因順樂受觸謂此根以順樂受  
觸爲五因卽相應等五有根因順樂受觸此根非順  
樂受觸相應謂根因順樂受觸餘觸相應及異熟生  
無所緣餘觸相應者謂順苦受觸順不苦不樂受觸  
相應此根以順樂受觸爲三因卽同類徧行異熟因  
及異熟生無所緣者謂命等八根以順樂受觸爲一  
因卽異熟因如說順樂受觸順苦受觸順不苦不樂

受觸亦爾差別者說自名諸根因眼觸此根眼觸相應耶設根眼觸相應此根因眼觸耶答諸根眼觸相應此根因眼觸謂此根以眼觸爲四因卽相應俱有同類異熟因有根因眼觸此根非眼觸相應謂根因眼觸餘觸相應及異熟生無所緣餘觸相應者謂耳鼻舌身意觸相應此根以眼觸爲二因卽同類異熟因及異熟生無所緣者謂命等八根此眼以眼觸爲一因卽異熟因如說眼觸耳鼻舌身觸亦爾差別者說自名諸根因意觸此根意觸相應耶設根意觸相應此根因意觸耶答諸根意觸相應此根因意觸謂

此根以意觸爲五因卽相應等五有根因意觸此根非意觸相應謂根因意觸餘觸相應及異熟生無所緣餘觸相應者謂眼耳鼻舌身觸相應此根以意觸爲三因卽同類徧行異熟因及異熟生無所緣者謂命等八根此根以意觸爲一因卽異熟因諸成就此類眼根彼成就此類身根耶乃至廣說類有四種一修類二律儀類三界類四相似類此四廣說如前業蘊此中依界類而作論諸成就此類眼根彼成就此類身根耶設成就此類身根彼成就此類眼根耶答應作四句有成就此類眼根非此類身根謂生欲界

不得眼根設得已失得色界眼不得眼根者謂未至鉢羅奢佉位等設得已失者謂已得眼根或自然壞或遇緣壞故失得色界眼者謂由善習靜慮力故色界眼根依欲界身得而不失不得彼界身根無成就他界身故有成就此類身根非此類眼根謂生欲界不得眼根設得已失不得色界眼彼但成就欲界身根二界眼根並不成就有成就此類眼根亦此類身根謂生欲界眼根已得不失若生色界已得者謂已至鉢羅奢佉位等不失者謂所得眼根非自然壞及遇緣壞故不失生色界者色界無有根不具故有非

成就此類眼根亦非此類身根謂生無色界彼地定無諸色根故如眼根耳根亦爾此二俱有異界現前故諸成就此類鼻根彼成就此類身根耶設成就此類身根彼成就此類鼻根耶答若成就此類鼻根彼成就此類身根有成就此類身根彼不成就此類鼻根謂生欲界不得鼻根設得已失不得鼻根者謂未至鉢羅奢佉位等設得已失者謂已得鼻根或自然壞或遇緣壞故失如鼻根舌根亦爾此二俱無異界現前故問何故生欲界得起色界眼耳根現在前非鼻舌身根耶答由眼耳二根有加行得離染得修所

成通所依性四支五支靜慮果故得異界起現在前  
鼻舌身根無如是事故惟自界起現在前有餘師言  
生欲界者求起上界天眼耳根不求餘三故不得起  
謂觀行者於是希求云何令我見色界色聞色界聲  
由此便修根本靜慮起天眼耳彼無香味可欲嗅嘗  
故不求起色界鼻舌無生異地覺異地觸設於彼求  
無理可起惟取至境故問天眼以何爲自性答非諸  
筋骨血肉所成色界大種所造淨色能無礙視體不  
可見眼界眼處眼根所攝是謂天眼顯自性已當釋  
其名問此何因緣說爲天眼答此眼殊勝故名爲天

世於勝法有天言故如說天永天莊嚴具天飲食等  
此中皆以殊勝名天彼亦如是界者色界繫地者在  
四靜慮地非近分無色所以者何若地有通所依勝  
定此地有天眼非近分無色有通所依勝定故彼地  
無天眼問何故近分無色無通所依勝定耶答奢摩  
他毗鉢舍那不平等故非五支四支所成故非樂道  
所攝故問若生欲界修得天眼現在前時於何處起  
答卽於生得眼根處起問若生得眼壞彼何處起答  
卽於曾有眼根處起問若彼處所合爲一段不可知  
者復何處起答卽於應有眼根處起問諸起天眼現

在前者爲有左起右不起耶右起左不起耶左劣右  
中耶左中右上耶右劣左中耶左中右上耶答不如  
是起謂起天眼者必二處眼俱起等劣等中等上一  
切天眼無瞎無闕亦無眩亂及彼同分問若生欲界  
化作色究竟萬六千踰繕那身天眼現前觀彼色時  
人身長三肘半或四肘尚不徧彼足指爲任何處觀  
彼色耶爲上爲下有說以神境通住上而見如營舍  
人處上觀下如是居上觀下衆色有說住下而見如  
行像者處下觀上如是居下觀上衆色有說彼時以  
神境智證通延廣此身令徧所化萬六千踰繕那身

量而觀衆色有說欲界亦有萬六千踰繕那身應與  
所化色究竟身俱生若時化作色究竟身爾時欲界  
三肘半或四肘身便滅彼萬六千踰繕那身續起卽  
依常眼處所而觀衆色如是說者如彼生處異熟身  
量化身亦爾如從色界來欲界時化作化身還如欲  
界異熟身量此作彼身當知亦爾隨彼所住觀見衆  
色

阿毗達磨大毗婆沙論卷第一百四十九

說一切有部發智

音釋

林

莫結切

捻

奴協切  
捏也

眩

黃絹切  
目無常主也

浮渡居士吳用先施贊刻  
阿毗達磨大毗婆沙論卷第一百四十九 計  
字六千零一十八箇該銀三兩零一分  
銀山釋海亮對上元陶邦本書深水陳秉訓  
篤曆丙辰歲孟夏徑山化城識

阿毗達磨大毗婆沙論卷第一百五十

五百大阿羅漢等造

唐三藏法師玄奘奉詔譯

根蘊第六中觸納息第三之二

問若天眼現在前時生得眼爲斷不若斷者云何不  
異熟生色斷已復續以阿毗達磨者不欲令異熟生  
色斷已續故若不斷者天眼生得眼二俱見色云何  
不錯亂耶答應言不斷以異熟色斷已不續故是故  
尊者妙音作如是問天眼現在前時生得眼當言斷  
耶不斷耶答當言不斷卽於是處有色界大種與所



造天眼俱現在前問若爾者天眼生得眼二俱見色  
云何不錯亂耶答天眼起時生得眼住彼同分故無  
有過譬如餘識現在前時雖不見色而眼不斷此亦  
如是問何故不俱見耶答以一身中無二識俱起爾  
時識依天眼不依生得眼故有說有色非是生得眼  
境爲見彼故起天眼現前故於爾時生得眼雖不斷  
而無用是故不俱見有說天眼起時生得眼斷問若  
爾云何不異熟生色斷已可續耶如是則違阿毗達  
磨者說答斷有二種一暫斷二究竟斷暫斷者可續  
非究竟斷是故無過有說爾時生得眼滅天眼生天

眼滅生得眼生彼身中眼根未嘗空故不可謂斷有  
說彼時生得眼斷亦無有過亦有異熟生色斷已續  
故云何如然如契經說一切施王卽時舉手自掩兩  
目施婆羅門由勝思願令眼平復又如經說惡行爾  
時以竭地羅鉤掩善行眼亦由菩薩勝思願故還得  
眼根施設論說地獄有山壓窄有情令身碎壞於後  
未久諸根復生諸地獄中此類非一故知異熟生色  
斷已可續如是說者起天眼時生得眼不滅異熟色  
斷亦無續義問前所引事當云何通答彼不相違有  
別義故卽如所說一切施王爾時但由施心成滿故

作是說實未掩眼其事云何謂佛昔日爲菩薩時曾  
作國王名一切施能滿一切來求者意天上人中此  
名流布時天帝釋知已念言彼王如斯惠施無倦爲  
求無上正等菩提爲希世間名譽天位若希天位或  
爲我怨當往驗之知其施意便自化作婆羅門身戴  
帽垂鬢金韜絡體手策金杖來詣王前呪願王言願  
常尊勝王言梵志來何所求答言我來正須王眼王  
以四寶爲眼施之彼不受言我今須眼何用此爲王  
聞是已便舉兩手欲自掩目帝釋知王施心決定便  
止王言欲何所求能施難施爲求釋梵魔王位耶爲

希世間名譽歸敬王言此等皆非所求惟有離於生  
老病死應正等覺是我所願天帝聞已便復本形讚  
歎王言真是菩薩不久定得無上菩提作是言已忽  
然不現故彼爾時實未掩眼又彼所引善惡行經善  
行眼根有餘種子由勝思願圓滿勝前諸地獄中亦  
同此釋若無餘種則不可生故異熟色斷無續理由  
此天眼現在前時生得眼不斷問如生欲界所起天  
眼生色界亦起不有說不起以色界中隨生得眼所  
見多少修得眼亦爾無別作用是故不起如是說者  
亦起現前問與生得眼同起復何用答欲遊戲通慧

故起現前又中有身非生得眼境故起天眼觀中有  
差別問爲生欲界所起天眼勝爲生色界所起勝耶  
答欲界所起猛利故勝謂佛獨覺到究竟聲聞所起  
天眼作用猛利非生色界所能現前色界所起所依  
故勝謂彼依身廣大勝妙所起天眼多極微成非欲  
界中此眼得起故二界起各有勝劣問修得天眼與  
生得眼有何差別答各卽差別謂名天眼各生得眼  
有說體亦有異謂生得眼有同分彼同分修得天眼  
惟是同分又生得眼通所長養及異熟生修得天眼  
惟所長養有說因亦有異謂生得眼是業果修得天

眼是修果問豈不生得眼亦是修果耶答彼少分是  
修果少分是生得智異熟果天眼惟修果有說天眼  
由加行作意力方得現前生得眼不爾有說果亦有  
異謂生得眼與善染無記識爲所依修得天眼惟與  
無記識爲所依有說境亦有異謂生得眼不見中有  
修得天眼能見中有有說用亦有異謂修得天眼於  
生得眼作用熾盛微妙殊勝清淨明白捷利遠細故  
有差別問一念得起幾通果耶答諸有欲令無流化  
事天眼天耳無彼同分者彼說一念惟起一通果謂  
五通隨一諸有欲令有留化事天眼天耳無彼同分

者彼說一念得起二通果謂神境通果及餘四隨一諸有欲令有留化事天眼天耳有彼同分彼說一念得起四通果謂神境通果天眼天耳及餘二隨一謂他心通宿住隨念通境界各別不俱起故如是說者應知第二所說爲善以化事可留天眼天耳必無彼同分要於用時乃現前故問欲界所化色有四種謂初靜慮果乃至第四靜慮果依初靜慮所得天眼爲能具見四種色耶有說具見皆是欲界色處攝故有說惟見初靜慮果非餘以因勝故如因非境界果亦應爾依第二靜慮所得天眼能見初二靜慮果色非餘

依第三靜慮所得天眼能見前三靜慮果色非餘依第四靜慮所得天眼具能見四靜慮果色如是說者謂初說依初靜慮所得天眼能見欲界初靜慮色乃至依第四靜慮所得天眼能見欲界四靜慮色問依第四靜慮所得天眼能見欲界四靜慮色者爲見欲界色眼卽見餘地色爲更起餘眼見餘地色耶若見欲界色眼卽見餘地色者如何一眼能見麤細二境若更起餘眼見餘地色者卽第四靜慮天眼應有五類各惟見一地色卽不應言此地天眼五地爲境有作是說卽見欲界色眼能見餘地諸色問如何一眼

能見麤細二境答此亦無過如看大山卽麤細色俱  
時能見見麤色者如見千枝大樹見細色者如見中  
間細草如是第四靜慮一眼能見五地諸色何過有  
餘師言見欲界色眼異乃至見第四靜慮色眼異問  
若爾第四靜慮天眼應有五類各惟見一地色卽不  
應言此地天眼五地爲境答一地天眼有五類別亦  
無有過約地種類總說一眼見五地境非不於中所  
見各異如定蘊說依初靜慮所引天眼極能見何繫  
色答乃至梵世繫依第二靜慮所引天眼極能見何  
繫色答乃至極光淨繫依第三靜慮所引天眼極能

見何繫色答乃至徧淨繫依第四靜慮所引天眼極  
能見何繫色答乃至廣果繫問傍極見幾何有說如  
見上有說傍見則寬如是說者彼文且說見上分齊  
不說傍境然隨根勢力傍見不定有遠有近如餘處  
說施設論說如四大王衆天以智以見領解於人人  
於四大王衆天不能如是除有修有神通或他威力  
乃至他化自在天對人亦爾謂四大王衆天等亦是  
人有境界同一繫故然以極遠不能見之若得神通  
自能往見或他力引至彼能觀問若彼天來此能見  
不答見若爾彼中何故不說答境界少故不說復次

此卽攝在他力引中故不別說又彼論說如梵衆天以智以見領解於人人於梵衆天不能如是除有修有神通或他威力乃至色究竟天對人亦爾問彼論所說除有修言是事可爾云何得說除有神通或他威力所以者何雖有神通或他力引得至彼天若無天眼不能見故若有天眼雖不至彼亦能見故答彼但應說除有修言而復有餘言者有別意趣謂依他方梵天等說他方梵天等色亦是此方依初靜慮等所引天眼境界然以極遠雖得彼眼不能見之若自有神通或他力所引至彼乃能以天眼見除有修言

顯得天眼說後二句顯至彼因故彼所說有別意趣彼施設論復作是說初靜慮中有三天處謂梵衆梵輔及大梵天問如是三天互相見不答彼互相見問契經所說當云何通如說梵王有得自體如童子像非梵衆天眼之境界答是彼眼境而大梵王通力所遮令彼不見第二靜慮有三天處謂少光無量光極光淨問如是三天互相見不答彼互相見第三靜慮有三天處謂少淨無量淨徧淨問如是三天互相見不答彼互相見第四靜慮有八天處謂無雲福生廣果無煩無熱善現善見色究竟問如是八天互相見

不答彼互相見皆以同一繫故法蘊論說於眼周圍  
有時有分色界大種所造天眼清淨現前由此天眼  
能見前後左右上下諸色差別見前後左右諸色者  
非石壁等所障故見下諸色者非地水等所障故見  
上諸色者非雲霧等所障故問如天眼能於一時  
頓見十方諸色境不有說能見以天眼根光明清徹  
自然徧照如末尼寶徧發光明有說不能一時頓見  
問法蘊所說當云何通答彼說天眼諸方無障非謂  
彼能一時頓見謂人等眼但能覩見面所向色欲見  
餘方要須廻轉俯仰方見天眼不爾面向一方隨欲

能見不須廻轉故說能見上下諸方非謂十方一時  
而見有作是說意淨故見問意淨是信卽心所法與  
心相應此非見體云何能見答彼依意根無有擾濁  
密意而說謂若意根不餘馳散離諸擾濁能令眼根  
見色分明故作是說有作是說勝解故見問所說勝  
解是心所法與心相應此非見體云何能見答依瑜  
伽師意樂安立故作是說謂瑜伽師起此意樂令我  
一念見十方色然能見色非卽勝解又施設論作如  
是說諸有現入青徧處定從彼定起所見皆青又由  
多時住青林中後出餘處所見皆青依此故言勝解

故見有作是說卽人眼根轉爲天眼能無障見此是  
數論外道所立彼作是說所起天眼卽是人眼數習  
轉變名淨勝前立以天稱如中印度青林中行或經  
旬乃出數習所變舉目皆青修天眼時亦復如是若  
爾盲者應不能修此天眼通便與聖教及現見事皆  
悉相違又法無常云何轉變一切天眼皆名無對石  
壁等物不能礙故問一切天眼於所見色爲有礙不  
若有礙者何故說無對若無礙者如何往彼色答於  
所見色應說有礙問若爾何故名無對耶答對有二  
種一境界有對二障礙有對若依境界有對天眼名

有對於自境界不能起故若依障礙有對天眼名無  
對石壁等障不能礙故此約於境作用而說若約自  
體亦是障礙有對所攝極微性故又諸天眼於境界  
中諸瑜伽師隨欲自在於所欲見則有對礙所不欲  
見則無對礙一切天眼光明增上光明所引問天眼  
欲見闇中色時云何能見有作是說此由神通引起  
光明能見彼色此不應理不得神通便應不能修起  
天眼如是說者初引通時若離光明不能見色若通  
成滿設離光明亦能見色問神通天眼俱有光明有  
何差別答神通光明或自性有或變化有天眼光明



惟自性有有作是說天眼光明或自性有或變化有神通光明惟變化有諸素怛纜毗柰耶中皆說菩薩成就異熟生天眼晝夜能見面各踰繕那問菩薩所成異熟生眼實非天眼何故立此名答菩薩眼根體用殊勝如世勝事假立天名問諸餘有情亦能遠見山日月等菩薩但見面各踰繕那云何名勝答如彼所見菩薩亦能面各踰繕那約無障說謂無障處諸餘有情雖能遠見若有障處自掌中物亦不能見菩薩不爾面各踰繕那障無障處悉能徹視又餘有情雖能遠見惟麤非細菩薩不爾面各踰繕那乃至毛

端亦能見故又餘有情雖能遠見惟晝非夜菩薩不爾面各踰繕那晝夜俱見有說於餘有情所見遠近菩薩過彼一踰繕那故作是說問菩薩成就如是淨眼應見女身不淨克滿何緣故有染習事耶脅尊者言菩薩煩惱未斷未徧知是故猶爲無明所迷不應責問如不應責無明者愚盲者墮坑有說菩薩染習彼時不觀不淨觀不淨時不染習彼有說菩薩先世曾種勝受用業於所受用不見不淨所不受用便見不淨如是說者菩薩成就猛利智慧善觀功德過失差別諸女人身亦容具有功德過失菩薩觀察彼功

德時勝於一切耽著欲者若當觀察彼過失時勝於一切不淨觀者觀彼功德故有染習問轉輪王眼齊何能見答王四洲者面各能見四俱盧舍乃至一洲者面各能見一俱盧舍問主藏臣眼齊何能見答四洲王臣見三俱盧舍乃至一洲王臣見半俱盧舍如契經說輪王有時欲試藏臣威力所受乘船遊戲苑伽河中勅藏臣言吾今須寶藏臣敬諾請還辦之王不悅曰正爾須辦藏臣惶恐卽以兩手托攪水中應時捧出種種珍寶持以獻王復白王言須者可取其不須者還棄水中問輪王眼根勝主藏者何不自

取令臣取耶答諸尊勝人法應如是如餘尊者雖有自知飲食衣服費具所在而不自取此亦如是有餘師說諸轉輪王餘生積集感侍臣業彼業令熟諸有所須皆有侍臣令其供辦若王自取業卽唐捐問因論生論何等名爲諸轉輪王感侍臣業答父母師長如法教誨敬順無違是爲此業若先曾習如是業者感多侍臣所欲皆辦問曾聞苑伽河水有處深一踰繕那如何藏臣手及其底取諸珍寶答以輪王業增上力故令寶上昇有說藥叉健達縛等持來授與有說恒有十千天神隨主藏臣而爲給使彼持授與問

藏臣何故啟白王言餘所不須當還棄水答顯王業  
果不思議故諸有所須隨處可得不同餘類恐身命  
緣當有闕乏長時積聚問聲聞獨覺及佛天眼能見  
幾世界色答聲聞天眼不作加行見小千界若作加  
行見中千界獨覺天眼不作加行見中千界若作加  
行見大千界世尊天眼不作加行見大千界若作加  
行能見無量無邊世界如天眼通天耳通等亦爾地  
獄成就幾根乃至廣說問何故此中但說成就極多  
少位非餘位耶答彼作論者意欲爾故乃至廣說有  
說欲除文雜亂過謂若具說一切位者便於文雜亂

難可受持故依多少邊際而說地獄成就幾根旁生  
乃至諸無色隨信行乃至俱解脫成就幾根答地獄  
極多十九極少八十九者謂除三無漏根卽是具七  
色根不斷善者八者謂身命意及五受根卽失六色  
根已斷善者旁生極多十九極少三十九者謂除  
三無漏根卽具七色根者十三者謂身命意五受信  
等五根卽漸命終先捨六色根者如說旁生鬼界亦  
爾斷善根者極多十三極少八十三者謂除一形及  
信等五三無漏根八者謂身命意及五受根卽漸命  
終及在地獄已失六色根者邪定聚極多十九極少

八十九者如地獄極多說八者如斷善極少說除在地獄失六色根正定聚極多十九極少十一十九者謂除一形及二無漏根卽未離欲染不缺根聖者十一者謂命意三受信等五一無漏根卽生無色界聖者不定聚極多十九極少八十九者如邪定極多說八者如斷善極少說及生無色界異生成就命意捨信等五根贍部洲極多十九極少八十九者謂二形者除三無漏根及未離欲聖者除一形二無漏根八者謂身命意五受根卽斷善者漸命終位如贍部洲毗提訶洲瞿陀尼洲亦爾俱盧洲極多十八極少十

三十八者謂除一形三無漏根十三者謂身命意五受信等五根卽漸命終位彼洲無有扇搥半擇迦無形二形斷善根邪定正定及離染者四大王衆天極多十九極少七十九者謂除一形二無漏根卽未離欲染聖者十七者謂除一形憂根三無漏根卽已離欲染異生如四大王衆天三十三天乃至他化自在天亦爾梵衆天極多十六極少十五十六者除二形二受二無漏根卽彼聖者十五者除二形二受三無漏根卽彼異生如梵衆天極光淨天亦爾徧淨天極多十六極少十四十六者如前說十四者除二形

論  
三受三無漏根卽彼異生廣果天極多十六極少十三十六者如前說十三者除二形四受三無漏根卽彼異生中有極多十九極少三十九者謂二形者除三無漏根極未離欲染聖者除一形二無漏根十三者謂斷善者除一形信等五三無漏根及廣果異生除二形四受三無漏根諸無色極多十一極少八十一者命意三受信等五一無漏根卽彼聖者八者命意捨信等五根卽彼異生隨信行極多十九極少十三十九者除一形二無漏根卽未離欲染住見道者十三者身命意四受信等五一無漏根卽已離欲

染漸命終位入見道者問何故此位能入見道答是愛行者一期生中恒猷生死臨命終時苦受所觸猷心轉增能入見道如隨信行隨法行亦爾信勝解極多十九極少十一十九者除一形二無漏根卽未離欲染信勝解十一者命意三受信等五一無漏根卽無色界信勝解如信勝解見至亦爾身證極多十八極少十一十八者除一形憂根二無漏根卽欲界身證十一者如信勝解極少說如身證慧解脫俱解脫亦爾然身證成就已知知根二解脫成就具知根眼根乃至慧根得徧知時幾根得徧知耶答眼根得徧

知時至離色染五根得徧知此中徧知是彼愛斷徧  
知果故得徧知名五根者眼耳鼻舌身離色染時彼  
永斷故雖於此位斷十三根惟此五根得究竟斷如  
眼根耳鼻舌身根亦爾女根得徧知時至離欲染四  
根得徧知謂男女憂苦雖於此位斷十九根惟此四  
根得究竟斷如女根男根苦根憂根亦爾命根得徧  
知時至離無色染八根得徧知謂命意捨信等五根  
如命根意捨信等五根亦爾樂根得徧知時至離徧  
淨染卽樂根得徧知喜根得徧知時至離極光淨染  
卽喜根得徧知眼根乃至慧根滅作證時幾根滅作

證耶答眼根滅作證時至離色染五根滅作證至阿  
羅漢十九根滅作證五根者眼耳鼻舌身十九者除  
三無漏根如眼根耳鼻舌身根亦爾女根滅作證時  
至離欲染四根滅作證至阿羅漢十九根滅作證四  
者男女憂苦十九者如前說如女根男苦憂根亦爾  
命根滅作證時至阿羅漢十九根滅作證如前說如  
命根意捨信等五根亦爾樂根滅作證時至離徧淨  
染卽樂根滅作證至阿羅漢十九根滅作證如前說  
喜根滅作證時至離極光淨染卽喜根滅作證至阿  
羅漢十九根滅作證如前說問此二門何差別答諸

有欲令無間道斷繫得解脫道證離繫得者彼說如無間道作用徧知門亦爾如解脫道作用作證門亦爾諸有欲令無間道斷繫得亦證離繫得者彼說如斷繫得徧知門亦爾如證離繫得作證門亦爾如斷繫得證離繫得除過失修功德棄下劣證美妙捨無義得有義盡愛膏油受無熱樂應知亦爾有說如斷初門亦爾如重作證後門亦爾有說如斷特作證初門亦爾如斷已作證後門亦爾是謂徧知作證差別

阿毗達磨大毗婆沙論卷第一百五十  
說一切有部發智

音釋

揭丘傑切 壓壓烏甲切 輶他刀切 未尼梵語也  
 垢卽珠之 素恒梵語也此云契經恒 踰繕那梵  
 總名也 此云限量 托攪托呼毛切 攪也 繕時戰切

浮渡居士吳用先施贊阿毗達磨大毗婆沙論卷第一百五十計字  
 六千三百九十該銀三兩一錢九分  
 銀山釋海亮對上元陶那本書句答潘省詞刻  
 萬曆丙辰歲孟夏徑山化城識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

萬 韻 丙 頤 越 孟 夏 孫 山 女 效 黠  
舉 山 響 南 壹 樓 土 云 蘭 沃 本 書 何 容 歡 營 屬 波  
六 千 三 百 式 十 結 疑 三 兩 一 趁 大 衆  
國 壯 義 喜 大 却 樂 水 倫 卷 第 一 百 五 十 廿 字  
計 數 韻 士 異 用 求 誠 實 故

馨 幫 暉 吐 井 澗 澗 古 子 反 疑 也

馨 谷 吐 馨 當 清 來 馨 蓋 疑 吐

馱 立 疑 馱 羊 圓 革 吐 馱 也 鐘 馱 吐 未 凡 其 韻 也

音釋